

INUIT ATAQATIGIIT

INATSISARTUNI



EM 2011/48

13. juli 2011

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Inersimasut kinguaassiuutitigut atonerlunneqarsimasut katsorsarneqarsinnaanerata siunertaralu iliusissanik pilersarusiornermik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaqa Juliane Henningsen, Inuit Ataqatigiit)

Tunngavilersuut:

Ukioq 2009-mi ukiakkut ataatsimiinnermi Inatsisartut isumaqatigiillutik kinguaassiuutitigut atonerlunneqarsimasut pillugit illumik ilisimasanik katersuiffissamik katsorsaaffissamillu pilersitsinissamik Naalakkersuisut peqquneqarput. Taama aalajangerneq malitsigisaanik Naalakkersuisut tamanna suliassatut tiguaat. Tamanna nuannaarutigaarput, taamaattorli taama pilersitsineq meeqqanut inuusuttunullu kinguaassiuutitigut atonerlunneqarsimasunut taamaallaat sammitinneqarmat naammaginngilarput.

Kinguaassiuutitigut atonerluineq sulisut ilisimannit qinikkallu akornanni piffissami sivi-suumi tusagassiuutitigut oqallisigineqarsimavoq. Suliassaq imaannaangitsoq iliuuseqarfiginjarlugu kivitsinissaq isumaqatigiissutigineqarpoq, maannamulli akisussaaffik tamanna iluamik iliuuseqarfigisimannigilarput. Tapersersuisutut peqatigiiffik Tasiorta Namminersortutik Oqartussanit taperneqarluni oqarasuaatikkut sianerfissamik aammaasimavoq, aammalu arnat kinguaassiuutitigut atonerlunneqarsimasut katsorsarneqarsinnaanerannut suliniuteqarsimalluni. Peqatigiiffimmi tunniusimalluni suliniuteqarneq immikkut isigalugu tapersersorusunnarpoq, suliassarli peqatigiiffiup nammineerluni naammassisinnaangilaa.

Kinguaassiuutitigut atonerluinerup nipangiusimanera qaangeriartuaannarneqarsimavoq. Nunatsinnilu kinguaassiuutitigut atonerluisarneq pillugu ilisimasat qanoq annertutiginerinik misissuinerit ilisimatusarnerillu annertusiartorerisigut paasisat nutaat aallaavigalugit nunatsinni iliuuseqarnissat qinikkanut annertuummik pisussaatsippit.

Taamaalilluta misissuinerup paasissutissiinera (Kalaallit Nunaanni Meeqqat) naapertorlugu anaanaasut pingajorarterutaat kinguaassiuutitigut atonerlunneqarsimapput. Ataataasulli pillugit ilisimasaqanngilagut. Naalakkersuisut tamanna misissorusuppaat, taamaaliornikkummi pisariaqartitsineq qanoq annertutiginersoq paasisinnaassagaluaratsigu?

Kinguaassiuutitigut atonerlunneqarsimasut katsorsartinneqarnissaannik qanoq pisariaqartitsisoqarnerisigut paasiniaqartariaqarparput. Pinaaveersaartitsineq qaammarsaanerlu naammangillat. Kinguaassiuutitigut atonerlunneqarsimasut katsorsarneqarnissaannut assigiingitsutigut pissusissamisoortunillu neqeroorutit pigilernissaat pimoorullugu suliniutigineqartariaqarpoq. Tamannalu pissaaq nammineq piunassutsiminnik sulisut ilinniaqarsimasullu ilinniaqqinnissaannut pisinnaassutsikkullu annertusaaffiginissaannut periarfisanik pilersitsinikkut.

Nalunagu oqarasuaatikkut attaveqarsinnaaneq peqatigiiffimmit Tasiorta-mit aallartinneqarsimasoq sapaatip akunneranut akunnerni sisamani taamaallaat ammatinneqartartoq, nalunagulu pisariaqartitsineq annertunerujussuusoq – maannakkorpiaq iluuseqarnissarput paasisariaqarparput. Qaammatini amerlanngitsuni Tasiorta-p oqarasuaatikkut siunnersuisarnerata ingerlanneqarsimanerani arnat angutillu ikigisassaangitsut neqeroorummik taassuminnga atuisimapput.

Tamanna takuinnarlugu katsorsarneqarnissamut pisariaqartitsineq qanoq annertutiginersoq paasineqarsinnaavoq.

Tamassuma iternga tikillugu paasisassarsiorfiginissaa pisariaqarpoq, aammalu inersimasut kinguassiuutitigut atornerlunneqarsimasut pillugit pinaveersaartitsinermut katsorsartinneqarsinnaanermullu periarfissanik nuna tamakkerlugu iliuusissanik ujartuisariaqarpugut.

Aningaasarsiornikkut allaffissornikkullu pisortanut kingunissai.

Atorfillit iliuusissanik piviusunngortitsinissamullu allaffissornikkut pilersaarusiortussaapput. Inersimasunik kinguaassiuutitigut atornerlunneqarsimasut katsorsartinnissaannut aningaasartuuteqarnissaq ilimagisariaqarpoq, pisariaqartitsinerli qanorpiaq annertutiginersoq ilisi-maneqanngilaq misissuinermilu ilannguttariaqarluni.

Aningaasarsiornikkut allaffissornikkullu namminersorlutik inuutissarsiortunut kingunissaa.

Siunnersuut aningaasarsiornikkut allaffissornikkullu namminersorlutik inuutissarsiortunut kinguneqassanganneqanngilaq.

Aningaasarsiornikkut allaffissornikkullu innuttaasunut kingunissaa.

Siunnersuut aningaasarsiornikkut allaffissornikkullu innuttaasunut toqqaannartumik kinguneqartussaangilaq, parlattuanilli katsorsarneqarnissamut periarfissanik amerlanerusunik nassataqassalluni, tamannalu inersimasunut kinguaassiuutitigut atornerlunneqarsimasunut iluaqutaasussaassaaq.

Siunnersuutima Inatsisartunit inussiarnersumik oqaluuserineqarnissaa kissaatiginarpoq.